

COMUNICATO n. 2060 del 06/08/2024

Traduzione in cimbri

TreC+, mearare funktzionen vor di app un vor in portàl

[Cimbri] Dar sistèm TreC+ hatt est nàuge funktzionen boda zuargem in pürger zo maga inngian destran in di dienst boda sojn on-line. An fintzta an earst von snitt soinda khent auzgelatt di nàung versionen vodar app un von portàl TreC+ pitt nàuge funktzionen boda zuargem zo maga zaln garade durch di app, zo maga vazzan referte boda sojn khent auzgelatt vo sanitér struktùrn auz vodar Provìntz vo Tria o un zo haba gemeldet balda di referte sojn boroatet un di möglichkait zo magase untartuschan vo sojnar sèlbst liste un àndre nàuge sachandarn boda àgian dar sicharhait.

Pitt TreC+ makma inngian in di sanitér dienst durch a web plattform von provintziàl sanitér Dienst boda drau sojn alle di date boda àgian sojnar gesunthait, date boda dar pürger mage hèrta vennen dèstar in aniglan momént. Ankunto TreC+, di trentinar pürger hãm a dispositziong ummana von earstn plattformen in Beleschlànt boda gem sanitér dienst on-line un bodase pintn garade pinn provintziàl sanitér Dienst.

TreC+ iz a prodjèkt geböllt vodar autonome Provìntz vo tria, von provintziàl Betrib vor di sanitér dienst un vodar Bruno Kessler Stiftung un iz khent gemacht von Zentrum vor da digitàl gesunthait kompetenz TrentinoSalute4.0.

Zo vazza di vornaügarung vodar app TreC+ iz genumma abenemmen da nàuge versiong von store (Android odor iOS). Berda, anvétze, hatt nonet inngévüart di app TreC+ makz tüan lai alumma gianante aftn web portàl trec.trentinosalute.net un gianante nã daz sèll boden khint gezoaget.

Dise da untar di nàung funktzionen vo TreC+

- **darzuar pitt Mypay:** zo maga zaln di sanitér dienst garade drinn in TreC+;
- **meldn push di sanitér date:** 'z khinta gemeldet pittnan push balda a nützar delegart geat inn in TreC+ odor balda khint gezoaget a refèrt odor a repetze afte plattform;
- **hileng refèrte un repetze:** 'z khinta zuargètt zo maga untartuschan di refèrte odor di repetze nemmantese vort vodar djeneràl liste. 'Z iz möglich khearn z'sega refèrte un repetze boda sojn khent untartuscht;
- **vazzan aftz hânt dispositivan refèrte off-line:** ma mage vazzan sèlbart briavan (referte un àndre sanitér briavan) garade von hânt telefon.

Übersetzt von Schaltarle vor di zung von Toalkamou vodar Zimbar Hoachebene

(cdt)